

Von Abmessungen.  
Dem Ersamenn Fürsichtigen vnd  
weisen Herrn Philipsen Weis/Schöffen vnd des  
Raths zu Franckfurt meinem günsti-  
gen Herrn.

**S**o man der Altem unserer vorsehen herrlichen standt/  
löbliche thaten/ vnd wesen anschawet vnd fürbildet/  
Ersamer günstiger herr/ist sich warlich der iezigen vn-  
serer zeit mehr zu erbarmen dan zu verwundern/ darinnen  
wir nit allein vns keiner künst oder studirung annemen  
noch beflissen/sondern auch der alten fürarbeit/ fleiß/  
künst vnd bücher vnn vilen vnd anckbarlich veracht werdenn/ vnd  
(welchs zubesorgenn/ endelich zu vilfaltiger vnordnung/ aberglaubenn/  
vnrath vnd verderbenn lendenn würt) ire kinder vnd verwandten  
nit allein darinn gelert zu werdenn nit verschaffen/ ja vil mehr dauon ab-  
ziehē vnd hindern/ weys nit auß was beredung/ als ob die Latinische vnd  
andere sprachen vnd künst vnserm heiligen Christenn glauben ein ab-  
bruch thuen/ seind doch daneben selb so hochgelert/ das sie von Gott/ sei-  
nen wercken oder Creaturen formlich weder zusingen noch zusagenn wiß-  
sen. Es befindet sich aber ie das widerspil bei allen verstendigen/ Dann  
das ich anderer hochlöblicher freier künst geschweige/ so da auß lauterem  
gnaden der welt von Gott dem almechtigen verlihenn/ dadurch sein al-  
mechtigs wort/ehre vnd glori zusürdern vnd erkennen/ so seind doch  
die Mathematische künst ( von wegen dz alle andere künst on dise ganz  
vnuolkommen/ vnd die an einander also verhäclet das keine on die an-  
dere sein mag/ *Disciplina Ciclica*, genant) ein mercklich anzeyge vnd  
erweisung der vnansprechlichen almechtigkeit vnd herligkeit Gottes  
der dz ganz firmament/ himel vnd erden/ solcher ordnung/ in gewichte/  
maß vnd zal/ wie Salomon spricht / erschaffen/ vnd so ordenlichen gub-  
berniert/ als auch David psalm 19. sagt/ Die himel erzelen die ehr Gottes/  
vnd das firmament verkündt seiner händewerck. Ober das seind di-  
se künst in allen eusserlichen händelen/ vnd in sonderheit in regiment vñ  
Oberkeiten so von nöten/ das on dieselbigen weder eygner noch gemeiner  
nutz recht mag versehen werden. Nach dem mir nun so ein herrlich/ künst-  
lich vnd nutzbar Instrument der Geometrei/ wie dz in sein brauch gnug-  
sam erwisenn würt/ iederman zunutz vnd dienst vnn Erwer weisheit  
zügeselet vnd in truck zubringenn angeben/ hat mich für gut angesehen/  
des weitberümpften Mathematici Joannes Stöfflers von Justingen/  
seliger gedechtnus/ künstlich werck von den Abmessungen hiebei auch ins-  
tentsch zubringen/ dazu ich nun E. W. diser meiner arbeit einen verfeh-  
vñ patron erwelt/ als denen der von Jugend auff in alle freien künstē vn-  
derweisen vnd erzogen/ fürnemlich aber der Mathematic eines solichenn  
verstands/ das wol zu wünschen E. W. möchte von bürden vnd geschaff-  
ten des gemeinen nutz vnd Oberkeit vnn beladenn/ solchen künstern einig  
obligen/ vnd solcher künst vñ Instrument ( deren gleichenn/ vnd so vil/  
mann nit bald bei iemandt andern finden würt) mehr an tag gebenn.  
Gott der almechtig erhalte dieselbig E. W. gemeinem nutz zu güt/ noch  
lange zeit/ in aller wolfart. Wöllend hiemit dis mein fürnemen für güt  
haben/ im besten verstehn vnd zu mir gebieten. Datum Franckfurt am  
Meyn den 9. tag Merzens. Anno 16. 1536.

E. W. williger

Christianus Egenolph